


大智度論

第二十七

二百七  
建七

48863



British Library  
Acquisition Department  
96 Euston Road  
London NW1 2DB  
United Kingdom



大智度論卷第二十七

龍樹菩薩造

姚秦三藏法師鳩摩羅什譯

釋初品中大慈大悲第四十二

大慈大悲當習行般若波羅蜜大慈大悲者  
四無量心中已分別今當更略說大慈與一  
切衆生樂大悲拔一切衆生苦大慈以喜樂

因緣與衆生大悲以離苦因緣與衆

生譬如

有人諸子繫在牢獄當受大辟其父慈惻以

若干方便令得免苦是大悲得離苦已以五

所欲給與諸子是大慈如是等種種差別問

曰大慈大悲如是何等是小慈小悲因此小

而名爲大答曰四無量心中慈悲名爲小此



建



中十八不共法次第說大慈悲名為大復次  
諸佛心中慈悲名為大餘人心中名為小問  
曰若尔者何以言菩薩行大慈大悲答曰菩  
薩大慈者於佛為小於二乘為大此是假名  
為大佛大慈大悲真實最大復次小慈但心  
念與衆生樂實無樂事小悲名觀衆生種種  
身苦心苦憐愍而已不能令脫大慈者念念  
衆生得樂亦與樂事大悲憐愍衆生苦亦能  
令脫苦復次凡夫人聲聞辟支佛菩薩慈悲  
名為小諸佛慈悲乃名為大復次大慈從大  
人心中生十力四無所畏四無礙智十八不  
共法大法中出能破三惡道大苦能與三種



大樂天樂人樂涅槃樂復次是大慈遍滿十方三世衆生乃至蝼蟲慈徹骨髓心不捨離三千大千世界衆生墮三惡道若人一一皆代受其苦得脫苦已以五所欲樂禪定樂世間最上樂自恣與之皆今滿足比佛慈悲千萬分中不及一分何以故世間樂欺誑不實不離生死故問曰法在佛心中一切皆大何以故但說慈悲為大荅曰佛所有功德法應皆大故問曰若尔者何以但說慈悲為大荅曰慈悲是佛道之根本所以者何菩薩見衆生老病死苦身苦心苦今世後世苦等諸苦所惱生大慈悲救如是苦然後發心求阿耨

多羅三藐三菩提亦以大慈悲力故於無量  
阿僧祇世生死中心不厭沒以大慈悲力故  
又應得涅槃而不取證以是故一切諸佛法  
中慈悲爲大若無大慈大悲便早入涅槃復  
次得佛道時成就無量甚深禪定解脫諸三  
昧生清淨樂棄捨不受入聚落城邑中種種  
譬喻因緣說法變現其身無量音聲將迎上  
切忍諸衆生罵詈誹謗乃至自作伎樂皆是  
大慈大悲力復次大慈大悲大名非佛所作  
衆生名之譬如師子大力不自言力大皆是  
衆獸名之衆生聞佛種種妙法知佛爲祐利  
衆生故於無量阿僧祇劫難行能行衆生聞



見是事而名此法爲大慈大悲譬如一人有  
二親友以罪事因緣故繫之囹圄一人供給  
所須一人代死衆人言能代死者是爲大慈  
悲佛亦如是世世爲一切衆生頭目髓腦盡  
爲一切衆生聞見是事即共名之爲大慈大  
悲如尸鞞王爲救鴿故盡以身肉代之猶不  
與鴿等後以手擗秤欲以身代之是時地爲  
六種振動海水波盪諸天香華供養於王衆  
生稱言爲一小鳥所感乃尔真是大慈大悲  
佛因衆生所名故言大慈大悲如是等無量  
本生是中應廣說問曰禪定等諸餘功德人  
不知故不名爲大智慧說法等能令人得道

何以不稱言大。答曰：佛智慧所能無有遍知者。大慈大悲，故世世不惜身命，捨禪定樂，救護衆生。人皆知之。於佛智慧，可比類知，不能了了。知慈悲，心眼見耳聞，處處變化。大師子吼，是故可知。復次，佛智慧細妙，諸菩薩舍利弗等尚不能知。何況餘人。慈悲相可眼見，聞故。人能信受智慧深妙，不可測。知復次，大慈大悲，一切衆生所愛樂。譬如美藥，人所樂服。智慧如服苦藥，人多不樂。人多樂，故稱慈悲爲大。復次，智慧者得道人，乃能信受。大慈悲相，一切雜類皆能生信。如見像若聞說，皆能信受。多所饒益，故名爲大。慈大悲復次。



大智慧名捨相遠離相大慈悲爲憐愍利益  
相是憐愍利益法一切衆生所愛樂以是故  
名爲大是大慈大悲如持心經中說大慈大  
悲有三十二種於衆生中行是大慈大悲攝  
相緣如四無量心說復次佛大慈悲等功德  
不應一切如迦旃延法中分別求其相上  
論議師雖用迦旃延法分別顯示不應盡  
受所以者何迦旃延說大慈悲一切智慧是  
有漏法繫法世間法是事不尔何以故大慈  
悲名爲一切佛法之根本云何言是有漏法  
繫法世間法問曰大慈悲雖是佛法根本故  
是有漏如汗塵中生蓮華不得言塵亦應妙

大慈悲亦如是。雖是佛法根本，不應是無漏。答曰：菩薩未得佛時，大慈悲若言有漏，其失猶可。今佛得無礙解脫智，故一切諸法皆清淨。一切煩惱及習盡，聲聞辟支佛不得無礙解脫智，煩惱習不盡，處處中疑不斷，故心應有漏。諸佛無是事，何以故？說佛大慈悲，應是有漏。問曰：我不敢不敬佛，以慈悲心為眾生故。生應是有漏。答曰：諸佛力勢不可思議，諸聲聞辟支佛不能離眾生想而生慈悲。諸佛能離眾生想而生慈悲，所以者何？如諸阿羅漢辟支佛十方眾生相不可得而取眾生相，生慈悲。今諸佛十方求眾生不可得，亦不取眾生。



生相而能生慈悲如無盡意經中說有三種  
慈悲衆生緣法緣無緣復次一切衆生中唯  
佛盡行不誑法若佛於衆生中取相而行慈  
悲心不名行不誑法何以故衆生畢竟不可  
得故聲聞辟支佛不名爲盡行不誑法故聲  
聞辟支佛於衆生於法若取相若不取相不  
應難不悉行不誑法故一切智能斷一切諸  
漏能從一切有漏法中出能作無漏因緣是  
法去何自是有漏問曰無漏智各各有所緣  
無有能悉緣一切法者唯有世俗智能緣一  
切法以是故說一切智是有漏相答曰汝法  
中有是說非佛法中所說如人自持牛入市

不與官斗相應無人用者汝亦如是自用汝  
法不與佛法相應無人用者無漏智慧何以  
故不能緣一切法有漏智是假名虛誑勢力  
少故不應眞實緣一切法汝法中自說能緣  
一切法復次是聲聞法中十智摩訶衍法中  
有十一智名爲如實相智是十智入是如實  
智中都爲一智所謂無漏智中如卞方水入  
大海水中都爲一味是大慈大悲佛三昧王  
三昧師子遊戲三昧所攝如是略說大慈大  
悲義菩薩摩訶薩欲得具足道種慧當習行  
般若波羅蜜者道名一道一向趣涅槃於善  
法中一心不放逸道隨身念道復有二道惡



道善道世間道出世間道定道慧道有漏道  
無漏道見道脩道學道無學道信行道法行  
道向道果道無礙道解脫道信解脫道見得道  
慧解脫道俱解脫道如是無量二道門復有  
三道地獄道畜生道餓鬼道三種地獄熱地  
獄寒地獄黑闇地獄三種畜生道地行水行  
空行三種鬼道餓鬼食不淨鬼神鬼三種善  
道人道天道涅槃道人有三種作罪者作福  
者求涅槃者復有三種人受欲行惡者受欲  
不行惡者不受欲不行惡者天有三種欲天  
色天無色天涅槃道有三種聲聞道辟支佛  
道佛道聲聞道有三種學道無學道非學非

無學道辟支佛道亦如是佛道有三種波羅  
蜜道方便道淨世界道佛復有三道初發意  
道行諸善道成就衆生道復有三道戒道定  
道慧道如是等無量三道門復有四種道凡  
夫道聲聞道辟支佛道佛道復有四種道聲  
聞道辟支佛道菩薩道佛道聲聞道有四種  
苦道集道滅道道復有四沙門界道復有  
四種道觀身實相道觀受心法實相道復有  
四種道爲斷未生惡不善令不生道爲斷生  
惡令疾滅道爲未生善法令生道爲已生善  
法令增長道復有四種道欲增上道精進增  
上道心增上道慧增上道復有四聖種道不



擇衣食卧具醫藥樂斷苦脩復有四行道苦難  
道苦易道樂難道樂易道復有四脩道一為  
今世樂脩道二生死智脩道三為漏盡故脩  
道四分別慧脩道復有四天道所謂四禪復  
有四種道天道梵道聖道佛道如是等無量  
四道門復有五種道地獄道畜生餓鬼人天  
道復有五無學眾道無學戒眾道乃至無學  
解脫知見眾道復有五種淨居天道復有五  
治道復有五如法語道復有五非法語道復  
有五道凡夫道聲聞道辟支佛道菩薩道佛  
道復有五道分別色法道分別心法道分別  
心數道分別心不相應行道分別無為法道

復有五種道苦諦所斷道集諦所斷道滅諦  
所斷道道諦所斷道思惟所斷道如是等無  
量五法道門復有六種道地獄道畜生餓鬼  
人天阿脩羅道復有捨六塵道復有六和合  
舊云道六神通道六種阿羅漢道六地脩道  
六種六定道六波羅蜜道一一波羅蜜各各有六  
道如是等無量六道門復有七道七覺意道  
七地無漏道七想定道七淨道七善人道七  
財富道七法福道七助定道如是等無量七  
道門復有八道八正道八解脫道八背捨道  
如是等無量八道門復有九道九次第道九  
地無漏道九見斷道九阿羅漢道九菩薩道



所謂六波羅蜜方便成就衆生淨佛世界如  
是等無量九道門復有十道所謂十無學道  
十想道十智道十一切處道十不善道十善  
道乃至一百六十二道如是等無量道門知  
是諸道盡知遍知是爲道種慧問曰般若波  
羅蜜是菩薩第一道一相所謂無相何以說  
是種種道荅曰是道皆入一道中所謂諸法  
實相初學有種種別後皆同一無有差別譬  
如劫盡燒時一切所有皆同虛空復次爲引  
導衆生故菩薩分別說是種種道所謂世間  
道出世間道等問曰去何菩薩住一相無相  
中而分別是世間是出世間道荅曰世間名

但從顛倒憶想虛誑二法生如幻如夢如轉  
火輪凡夫人強以爲世間是世間皆從虛妄  
中來今亦虛妄本亦虛妄其實無生無作但  
從內外六情六塵和合因緣生隨凡夫所著  
故爲說世間是世間種種邪見羅網如亂絲  
相著常往來生死中如是知世間何等是出  
世間道如實知世間即是出世間道所以者  
何智者求世間出世間二事不可得若不可  
得當知假名爲世間出世間但爲破世間故  
說出世間世間相即是出世間更無所復有  
所以者何世間相不可得是世間出世間相  
常空世間法定相不可得故如是行者不得



世間亦不著。出世間若不得世間，亦不著。出世間愛慢破，故不共世間。諍何以故？行者久知世間空無所有，虛誑故不作憶想。分別世間名五衆，五衆相假，令十方諸佛求之，亦不可得。無來處，無住處，亦無去處。若不得五衆來住去相，即是出世間行者。尔時觀是世間，出世間實不可見，不見世間與出世間合，亦不見出世間與世間合。離世間，亦不見出世間。離出世間，亦不見世間。如是則不生二識。所謂此世間出世間，若捨世間不受，出世間是名出世間。若菩薩能如是知，則能為衆生分別世間、出世間。道有漏、無漏，一切諸道亦

如是入一相是名道種慧欲以道種慧具足一切智當習行般若波羅蜜欲以一切智具足一切種智當習行般若波羅蜜問曰一切智一切種智有何差別答曰有人言無差別或時言一切智或時言一切種智有人言揔相是一切智別相是一切種智因是一切智

果是一切種智略說一切智廣說一切種智一切智者揔破一切法中無明闇一切種智者觀種種法門破諸無明一切智譬如說四諦一切種智譬如說四諦義一切智者如說苦諦一切種智者如說八苦相一切智者如說生苦一切種智者如說種種衆生處處生



復次一切法名眼色乃至意法是諸阿羅漢  
辟支佛亦能揔相知無常苦空無我等知是  
十二入故名爲一切智聲聞辟支佛尚不能  
盡別相知一衆生生處好醜事業多少未來  
現在世亦如是何況一切衆生如一閻浮提  
中金名字尚不能知何況三千大千世界於  
一物中種種名字若天語若龍語如是等種  
種語言名金尚不能知何況能知金因緣生  
處好惡貴賤因而得福因而得罪因而得道  
如是現事尚不能知何況心心數法所謂禪定  
智慧等諸法佛盡知諸法揔相別相故名爲  
一切種智復次後品中佛自說一切智是聲

聞辟支佛事道智是諸菩薩事一切種智是  
佛事聲聞辟支佛但有揔一切智無有一切  
種智復次聲聞辟支佛雖於別相有分而不  
能盡知故揔想受名佛一切智一切種智皆  
是真實聲聞辟支佛但有名字一切智譬如  
盡燈但有燈名無有燈用如聲聞辟支佛若  
有人問難或時不能悉答不能斷疑如佛三  
問舍利弗而不能答言有一切智云何不能  
答以是故但有一切智名勝於凡夫無有實  
也是故佛是實一切智一切種智有如是無  
量名字或時名佛爲一切智人或時名爲一  
切種智人如是等略說一切智一切種智種



種差別問曰如經中說行六波羅蜜三十一  
品十力四無所畏等諸法得一切智何以故  
此中說但用道種智得一切智答曰汝所說  
六波羅蜜等即是道知是道行是道得一切  
智何所疑復次初發心乃至坐道場於其中  
間一切善法盡名為道此道中分別思惟而  
行是名道智如此經後說道智是菩薩專問  
曰佛道事已備故不名道智阿羅漢辟支佛  
諸功德未備何以不名道智答曰阿羅漢辟  
支佛道自於所行亦辦是故不名中道智道  
是行相故復次此經中說聲聞辟支佛聲聞  
中攝三道故不說佛道大故名爲道智聲聞

辟支佛道小故不名道智復次菩薩摩訶薩  
自行道亦示衆生各各所行道以是故說名  
菩薩行道智得一切智問曰何等是一切智  
所知一切法答曰如佛告諸比丘爲汝說一  
切法何等是一切法所謂眼色耳聲鼻香舌  
味身觸意法是十二入名一切法復有七切  
法所謂名色如佛說利衆經中偈  
若欲求真觀 但有名與色 若欲審實知  
亦當知名色 離癡心多想 分別於諸法  
更無有異事 出於名色者  
復次一切法所謂色無色法可見不可見有  
對無對有漏無漏有爲無爲心非心心相應



非心相應共心生不共心生隨心行不隨心  
行從心因不從心因如是等無量二法門攝  
一切法如阿毗曇攝法品中說復次一切法  
所謂善法不善法無記法見諦所斷思惟所  
斷不斷法有報法無報法非有報非無報法  
如是等無量三法門攝一切法復次一切法  
所謂過去法未來法現在法非過去未來現  
在法欲界繫法色界繫法無色界繫法不繫  
法從善因法從不善因法從無記因法從非  
善非不善非無記因法有緣緣法無緣緣法  
有緣緣亦無緣緣法非有緣緣非無緣緣法  
如是等無量四法門攝一切法復次一切法

所謂色法心法心數法心不相應諸行法無爲  
法四諦及無記無爲如是等無量五法門攝  
一切法復次一切法所謂五衆及無爲苦諦  
所斷法集諦滅諦道諦思惟所斷法不斷法  
如是等無量六法門攝一切法七八九十等  
諸法門是阿毗曇分別義復次一切法所謂  
有法無法空法實法所緣法能緣法聚法散  
法等復次一切法所謂有法無法亦有亦無  
法空法實法非空非實法所緣法能緣法非  
所緣非能緣法復次一切法所謂有法無法  
亦有亦無法非有非無法空法不空法空不  
空法非空非不空法生法滅法生滅法非生



非滅法不生不滅法非不生非不滅法不生  
不滅亦非不生非不滅法非不生非不滅亦  
非不不生亦非不不滅法復次一切法所謂  
有法無法有無法非有非無法捨是四句法  
空不空生滅不生不滅五句皆亦是如是  
等種種無量阿僧祇法門所攝諸法以是無  
礙智慧盡遍知上諸法名為一切智一切種  
智問曰一切衆生皆求智慧云何獨佛一人  
得一切智答曰佛於一切衆生中第一故獨  
得一切智如佛所說無足二足四足多足有  
色無色有想無想非有想非無想等一切衆  
生中佛最第一譬如須彌山於衆山中自然

最第一如四大中火最有力能照能燒佛亦如是於一切衆生中最第一故得一切智問曰佛何以故於一切衆生獨最第一答曰如先答得一切智故今當更說佛自利益亦利益他故於衆生中最第一如一切照中日爲第一一切人中轉輪聖王最第一一切蓮華中青蓮爲第一一切陸生華須曼色第一一切木香中牛頭旃檀爲第一一切珠中如意珠爲第一一切諸戒中聖戒爲第一一切解脫中不壞解脫爲第一一切清淨中解脫爲第一一切諸觀中空觀爲第一一切諸法中涅槃爲第一如是等無量各各第一佛亦如



是於一切衆生最爲第一第一故獨得一切  
智復次佛從初發意以大誓莊嚴一切衰沒  
衆生欲拯濟故盡遍行諸善道無善不集無  
苦不行皆集一切諸佛功德如是等種種無  
量因緣故佛於一切衆生中獨第一問曰三  
世十方諸佛亦有是功德何以故言佛獨第  
一答曰除諸佛爲餘衆生故言佛獨第一諸  
佛等一切功德復次薩婆若多者薩婆秦言  
一切若秦言智多秦言相一切如先說名色  
等諸法佛知是一切法一相異相漏相非漏  
相作相非作相等一切法各各相各各力各  
各因緣各各果報各各性各各得各各失一

切智慧力故一切世一切種盡遍解知以是  
故說欲以道種智具足得一切智當習行般  
若波羅蜜欲以一切智具足一切種智當習  
行般若波羅蜜問曰如佛得佛道時以道智  
得具足一切智一切種智今何以言以一切  
智得具足一切種智答曰佛得道時以道智  
雖具足得一切智一切種智而未用一切種  
智如大國王得位時境土寶藏皆已得但未  
開用欲以一切種智斷煩惱習當習行般若  
波羅蜜舍利弗菩薩摩訶薩應如是學般若  
波羅蜜問曰一心中得一切智一切種智斷  
一切煩惱習今云何言以一切智具足得一



切種智以一切種智斷煩惱習。答曰：實一切智一時得此中為令人信般若波羅蜜。故次第差別品說欲令衆生得清淨心是故如是說。復次雖一心中得亦有初中後次第。如一心有三相生因緣。住住因緣滅。又如心心數法不相應諸行及身業口業。以道智具足一切智以一切智具足一切種智。以一切種智斷煩惱習。亦如是。先說一切種智。即是一切智道智。名金剛三昧。佛初發心。即是一切智。一切種智是時煩惱習斷。一切智一切種智相先已說。斷一切煩惱習者。煩惱名略說則三毒。廣說則三界九十八使。是名煩惱煩惱。

習者名煩惱殘氣若身業口業不隨智慧慧似  
從煩惱起不知他心者見其所起生不淨心  
是非實煩惱久習煩惱故起如是業譬言如久  
鏤脚人卒得解脫行時雖無有鏤猶有習在  
如乳母衣久故垢著雖以溲灰淨浣無有垢  
垢氣猶在衣如聖人心垢如諸煩惱雖以智  
慧水浣煩惱氣猶在如是諸餘賢聖雖能斷  
煩惱不能斷習如難陀婬欲習故雖得阿羅  
漢道於男女大衆中坐眼先視女衆而與言語  
說法如舍利弗瞋習故聞佛言舍利弗食不淨  
食即便吐食終不復受請又舍利弗自說偈言  
覆罪妄念人無智而懈怠終不欲令此



妾來近我住

如摩訶迦葉瞋習故佛滅度後集法時勅令  
阿難八突吉羅罪懺悔而復自牽阿難手出  
不共汝漏未盡不淨人集法如畢陵伽婆蹉  
常罵恒神為小婢如摩頭婆私咤掉戲習故  
或時從衣架踔上梁從梁至棚從棚至閣如  
憍梵鉢提業習故常吐食而飼如是等諸聖  
人雖漏盡而有煩惱習如火焚薪已灰炭猶  
在火力薄故不能令盡若劫盡時火燒三千  
大千世界無復遺餘火力大故佛一切智火  
亦如是燒諸煩惱無復殘習如一婆羅門以  
五百種惡口衆中罵佛佛無異色亦無異心

此婆羅門心伏還以五百種語讚佛佛無喜  
色亦無悅心於此毀譽心色無變又復掩遮  
婆羅門女帶盂謗佛佛無慚色事情既露佛  
無悅色轉法輪時讚美之聲滿於十方心亦  
不高孫陀利死惡聲流布心亦不下阿羅毗  
國土風寒又多蒺藜佛於中坐卧不以爲苦  
又在天上歡喜園中夏安居時坐劔婆石柔  
軟清潔如天統紘亦不以爲樂受大天王跽  
奉天食不以爲美毗蘭若國食馬麥不以爲  
惡諸大國王供奉上饌不以爲得入薩羅聚  
落空鉢而出不以爲失提婆達多於耆闍崛  
山推石壓佛佛亦不憎是時羅睺羅敬心讚



佛佛亦不愛阿闍世縱諸醉象欲令害佛佛亦不畏降伏狂象王舍城人益加恭敬持香華瓔珞出供養佛佛亦不喜九十六種外道一時和合議言我等亦皆是一切智人從舍婆提來欲共佛論議尔時佛以神足從齋放光光中皆有化佛國王波斯匿亦命之令來於

其座上尚不能得動何況能得與佛論議佛見一切外道賊來心亦無退破是外道諸天世人倍益恭敬供養心亦不進如是等種種因緣來欲毀佛佛不可動譬如真閻浮檀金火燒不異捶打磨斫不敗不異佛亦如是經諸毀辱誹謗論議不動不異以是故知佛諸

煩惱習都盡無餘。問曰：諸阿羅漢辟支佛，同用無漏智，斷諸煩惱習，何以有盡不盡？答曰：先已說智慧力薄如世間火，諸佛力大如劫盡火。今當更答聲聞辟支佛集諸功德智慧不久，或一世二世三世佛智慧功德於無量阿僧祇劫廣脩廣習善法久熏，故於煩惱習無復餘氣。復次佛於一切諸功德皆已攝盡，故乃至諸煩惱習氣永盡無餘。何以故？諸善法功德消諸煩惱，故諸阿羅漢於此功德不盡。得故但斷世間愛，直入涅槃。復次佛斷結使智慧力甚，利用十方為大力，以無礙智直過故斷諸結，使盡無復遺餘。譬如人有重罪。



國王大瞋誅其七世根本令無遺餘佛亦如是於煩惱重賊誅拔根本令無遺餘以是故說欲以一切種智斷一切煩惱習當習行般若波羅蜜問曰但斷習亦除煩惱荅曰有人言斷煩惱及習俱盡如先說習盡無餘阿羅漢辟支佛但斷煩惱不能斷習菩薩斷一切煩惱及習令盡無餘有人言佛久已遠欲如佛說我見定光佛已來已離欲以方便力故現有生死妻子眷屬有人言從得無生法忍來得諸法實相故一切煩惱及習盡有人言佛從初發意來有煩惱至坐道場於後夜時斷一切煩惱及習問曰如是種種說何者爲

實答曰皆是佛口所說故無有不實聲聞法  
中佛以方便力故現受人法有生老病寒熱  
飢渴等無人生而無煩惱者是故佛亦應隨  
人法有煩惱於樹王下外先破魔軍內滅結  
使賊破外內賊故成阿耨多羅三藐三菩提  
人皆信受是人能為是事我等亦當學習是  
事若言久來無煩惱從然燈佛得無生法忍  
未斷煩惱盡是亦方便說令諸菩薩歡喜故  
若菩薩久已斷一切煩惱成佛時復何所為  
問曰佛有種種事斷結使是一事餘有淨佛  
國土成就衆生等未具以具足衆事故名為  
佛答曰若今者佛言斷結使是未後身人若



都無結使云何得生問曰從得無生法忍已  
來常得法性生身變化不答曰化法要有化  
主然後能化若得無生法忍斷一切結使死  
時捨是肉身無有實身誰為變化以是故知  
得無生已來不應盡結使復次聲聞人言菩  
薩不斷結使乃至坐道場然後斷是為大錯  
何以故汝法中說菩薩已滿三阿僧祇劫後  
更有百劫中常得宿命智自憶迦葉佛時作  
比丘名鬱多羅修行佛法云何今六年苦行  
修邪道法日食一麻一麥後身菩薩一日尚  
不應謬何況六年瞋亦如是從久遠世時作  
毒蛇獺者生剥其皮猶尚不瞋云何最後身

而瞋五人以是故知聲聞人受佛義為錯佛  
以方便力欲破外道故現六年苦行汝言瞋  
五人者是為方便亦是瞋習非煩惱也今當  
如實說菩薩得無生忍法煩惱已盡習氣未  
除故因習氣受及法性生身能自在化生有  
大慈悲為衆生故亦為滿本願故還來世間  
具足成就餘殘佛法故十地滿坐道場以無  
礙解脫力故得一切智一切種智斷煩惱習摩  
訶衍人言得無生法忍菩薩一切煩惱及習  
都盡亦是錯若都盡與佛無異亦不應受法  
性生身以是故菩薩得無生法忍捨生身得  
法性生身若言至坐道場一切煩惱及習俱



斷是語亦非所以者何若菩薩具有三毒者  
云何能集無量佛法譬如毒瓶雖著甘露皆  
不中食菩薩集諸純淨功德乃得作佛若雜  
三毒云何能具足清淨佛法問曰觀法實相  
及修悲心故能令三毒薄薄故能集清淨功  
德答曰薄三毒可得轉輪聖王諸天王身欲  
得佛功德身無有是事三毒斷習未盡可得  
集諸功德復次薄名如離欲人斷下地結猶  
有上地煩惱又如須陀洹見諦所斷結盡思  
惟所斷結未盡是名為薄如佛說斷三結薄  
婬怒癡名為斯陀含汝若言薄應當是斷以  
是故得無生忍法時斷煩惱得佛時斷煩惱

習是則實說復次舍利弗菩薩摩訶薩欲上  
菩薩位當學般若波羅蜜菩薩位者無生法  
忍是得此法忍觀一切世間空心無所著住  
諸法實相中不復染世間復次般舟般三昧  
是菩薩位得是般舟般三昧悉見現在十方  
諸佛從諸佛聞法斷諸疑網是時菩薩心不  
動搖是名菩薩位復次菩薩位者具足六波  
羅蜜生方便智於諸法實相亦不住自知自  
證不隨他語若魔作佛形來心亦不惑復次  
入菩薩法位力故得名阿鞞跋致菩薩復次  
菩薩摩訶薩入是法位中不復墮凡夫數名  
爲得道人一切世間事欲壞其心不能令動



閉三惡趣門墮諸菩薩數中初生菩薩家智  
慧清淨成熟復次任頂不墮是名菩薩法位  
如學品中說上位菩薩不墮惡趣不生下賤  
家不墮聲聞辟支佛地亦不從頂墮問曰云  
何為頂墮答曰如須菩提語舍利弗若菩薩  
摩訶薩無方便心行六波羅蜜入空無相無  
作中不能上菩薩位不墮聲聞辟支佛地愛  
著諸功德法於五衆無常苦空無我取相心  
著言是道非道是應行是不應行如是等取  
相分別是菩薩頂墮何等是任頂如上所說  
諸法愛斷於愛斷法亦復不取如任頂義中  
說若菩薩摩訶薩行般若波羅蜜時內空中

不見外空外空中不見內空外空中不見內  
外空內外空中不見外空乃至無法有法空  
亦如是復次上位菩薩得無等等心亦不自  
高知心相真空諸有無等戲論滅問曰何以  
故聲聞法中名為正位此菩薩法中位但名  
位荅曰若言正位亦無咎所以者何若言菩  
薩法位是則為正聲聞法中但言位不言聲  
聞位以是故言正位復次學聲聞人無大慈  
悲心智不利故未生厭心多求諸法生種種  
邪見疑悔菩薩摩訶薩大慈愍一切故多求  
度脫衆生老病死苦不求分別種種戲論譬  
如長者有一子愛之甚重其子得病但求良



藥能差病者不求分別諸藥名字取之時節  
合和分數以是故諸菩薩從果觀十二因緣  
不從因觀見多者從因觀愛多者從果觀諸  
聲聞人因邪位故有正位菩薩邪位薄故但  
名菩薩位問曰聲聞法中從苦法忍乃至道  
比忍名為正位如經中說三惡道中不可得  
三事所謂正位聖果漏盡破戒邪見五逆罪  
等亦如是從得何法名為菩薩位答曰發意  
修行大悲方便具足行是四法得入菩薩位  
如聲聞法中先具說四種善根燻法頂法忍  
法世間第一法然後入苦法忍正位問曰修  
行皆攝四法何以故差別為四答曰初發意

雖有修行不久修故不名修行如在家雖終日不住不名爲行復次發意時但有意願行時造作以財與人受持禁戒如是等行六波羅蜜是名修行修行已以般若波羅蜜知諸法實相以大悲心愍念衆生不知是諸法實相染著世間虛誑法受種種身苦心苦是更受大悲名故不名修行方便者具足般若波羅蜜故知諸法空大悲心故憐愍衆生於是二法以方便力不生染著雖知諸法空方便力故亦不捨衆生雖不捨衆生亦知諸法實空若於是二事等即得入菩薩位如聲聞人於定慧二法等故是時即得入正位是法雖



有行更有餘名字不名修行從初發意乃至  
坐道場於其中間所行皆名修行小小差別  
有異名字為易解故譬如有人初發阿耨多  
羅三藐三菩提意欲度脫一切衆生老病死  
等身心諸苦作大莊嚴功德慧明二事因緣  
故所願皆滿是二事有六分修行名為六波  
羅蜜布施持戒忍辱是功德分精進禪定智  
慧是慧明分修行六波羅蜜知是諸法相甚  
深微妙難解難知作是念衆生著三界諸法  
以何因緣令衆生得是諸法相當以具足諸  
功德清淨智慧成就佛身三十二相八十隨  
形好光明具足神通無量以十力四無所畏

十八不共法四無礙智觀應度者說法開化  
譬如金翅鳥王普觀諸龍命應盡者以翅搏  
海令水兩鬪取而食之佛亦如是以佛眼觀  
十方世界五道衆生誰應得度初現神足次  
爲示其心趣以此二事除三障礙而爲說法  
拔三界衆生得佛力無量神通假令虛妄猶  
尚可信何況實說是名方便復次菩薩以般  
若波羅蜜知諸法相念其本願欲度衆生作  
是思惟諸法實相中衆生不可得當云何度  
復作是念諸法實相中衆生雖不可得而衆  
生不知是諸法相故欲令知是實相復次是  
實法相亦不礙衆生實法相者名爲無所除



壞亦無所作是名方便具足是四法得入菩薩  
位欲過聲聞辟支佛地位阿鞞跋致地當學般  
若波羅蜜問曰菩薩入法位時即已過聲聞  
辟支佛地位阿鞞跋致地何以故復說答曰  
雖三事一時諸法各各相應當次第讚如一  
心中一時得無漏五根而各各分別說其相  
菩薩入法位時斷若干結使得若干功德過  
是地位是地唯佛能知亦欲引導諸菩薩故  
佛種種讚說如此經始佛在耆闍崛山與五  
千比丘俱皆是阿羅漢諸漏盡所作已辦等  
阿羅漢即是漏盡漏盡者即是所作已辦等  
亦為引導餘人令心清淨故種種讚說無咎

此亦如是入法位即是過阿羅漢辟支佛地  
任阿鞞跋致地復次因入法位故得過阿羅  
漢辟支佛地任阿鞞跋致地問曰入法位中  
過老病死及斷諸結使破三惡道等如先說  
何以但說過聲聞辟支佛地亦任種種功德  
何以故但說任阿鞞跋致地答曰捨諸惡事

得諸功德後當次第說及所任功德諸法當  
須次第不可一時頓說復次菩薩初發意時  
所可怖畏無過聲聞辟支佛地正使墮地獄  
無如是怖畏不永破大乘道故阿羅漢辟支  
佛於此大乘以爲永滅譬如空地有樹名舍  
摩梨觚枝廣大衆鳥集宿一鴿後至住一枝



上其枝及觚即時押折澤神問樹神大鳥鵬  
驚皆能任持何至小鳥便不自勝樹神荅言  
此鳥從我怨家厓俱盧樹上來食彼樹菓來  
栖我上必當放糞子墮地者惡樹復生爲害  
必大以是故於此一鴿大懷憂愁寧捨一枝  
所全者大菩薩摩訶薩亦是於諸外道魔  
衆及諸結使惡業無如是畏如阿羅漢辟支  
佛何以故聲聞辟支佛於菩薩邊亦如彼鴿  
壞敗大乘心永滅佛業以是故但說過聲聞  
辟支佛地住阿鞞跋致地者從初發意已來  
常喜樂住阿鞞跋致地聞諸菩薩及退轉故  
發意時作願何時當得過聲聞辟支佛地住

阿鞞跋致地以是故說住阿鞞跋致地問曰  
何等是阿鞞跋致地答曰若菩薩能觀一切  
法不生不滅不不生不不滅不共非不共是  
觀諸法於三界得脫不以空不以非空一心  
信忍十方諸佛所用實相智慧無能壞無能  
動者是名無生忍法無生忍法即是阿鞞跋  
致地復次入菩薩位是阿鞞跋致地過聲聞  
辟支佛亦名阿鞞跋致地復次住阿鞞跋致  
地世世常得果報神通不失不退若菩薩得  
此二法雖得諸法實相而以大悲不捨一切  
衆生復有二法一者清淨智慧二者方便智  
慧復有二法一者深心念禪繫二者所作不



離世間譬如大龍尾在大海頭在虛空震雷  
雷霆而降大雨復次阿鞞跋致菩薩得是諸  
法實相智慧世世不失終不暫離於諸佛深  
經終不疑亦不作礙何以故我未得一切智  
慧故不知何方便何因緣故如是說阿鞞跋  
致菩薩常以深心終不生惡阿鞞跋致以深  
心集諸善淺心作諸不善問曰若阿鞞跋致  
相得無生法忍云何以淺心作諸不善答曰  
有二種阿鞞跋致一者得無生忍法二者雖  
未得無生忍法佛知其過去未來所作因緣  
必當作佛為利益傍人故為其受記是菩薩  
生死肉身結使未斷於諸凡茂中為最第

是亦名阿鞞跋致相若得無生忍法斷諸結使此則清淨末後肉身盡得法性生身結使所不礙不須教戒如大恒中船不須將御自至大海復次有初發意生大心斷諸煩惱知諸法實相便得阿鞞跋致有但行檀波羅蜜便具足六波羅蜜乃至般若波羅蜜亦如是有行六波羅蜜未得阿鞞跋致於衆生中生大悲心是時便得阿鞞跋致有得悲心而作是念若諸法皆空則無衆生誰可度者是時悲心便弱或時以衆生可愍於諸法空觀弱若得方便力於此二法等無偏黨大悲心不妨諸法實相得諸法實相不妨大悲生如是



方便是時便得入菩薩法位住阿鞞跋致地  
如往生品中說復次阿鞞跋致相如後阿鞞  
跋致二品中說

大智度論卷第二十七

大石下毗益反昆虫上音

囹圄二字音擗音誦言反建

下今作拯濟上音

上蒸上音久下合

瓊胡浣管反

架蹕上音

下拔也棚步耕

飼音杆音蕪同藜

二字音蹠反其矣

推石上土

壓音匿反推打

上直反謀反苗幼

觚枝上音

鷓鴣下音栖西音

智度論第二十七卷

